



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Iurisdictione Episcopali, Apostolicis constitutionibus, edictisque & alijs
instructionibus Episcopalibus publicandis, & afferuandis, &c.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)



Votannis fori sui tribunal Episcopus uisitet; inquiretque an prescripta fori ratio, an presinita taxa seruetur: tum pretereà, an si que corruptele, si quie abusus irrepserint; an si quid denique uel institui, uel emendari, oportet: idque sollicitè in primis curet, ut eripiantur abusus, tum restituantur quæcumque ad rectam iudiciorum formam attinent.

3. De ijs, quæ ad for. Episc. pert.

2 Episcopus non solum per certos homines, ut primùm à nobis constitutum est; sed etiam ipse aliquando in anno carcerem uisitet: in eoq; inclusos paterna charitate consoletur, pièq; in Domino adhortetur.

3 Videat item, ut eis ad corporis sustentationem, & ad iustum patrocinium non desit quicquam: tum in primis non libri spiritualis lectio, non crebræ religiosorum hominum cohortationes, tum nè denique aliquid ad animæ salutem.

Curet etiam, ut qui in liberiore custodia sunt, festis saltem, & Dominicis diebus Missæ sacrum audiant, aliquo, ubi fieri potest, edificato propè carcerem sacello, tum Doctrinæ Christianæ rudimentis instituantur. Idque officium ijs pretereà præstetur, qui in laicalis fori liberiore carcere sunt.

Ut omnes in Pascha confessi, sacram Eucharistiam piè, & salutari- ter sumant. Quod ut die Natali Domini, & alijs anniuersarijs redemptionis nostræ solemnitatibus indictisque publicè iubilis, ac Indulgentijs, faciant, eosdem cohortetur.

De Iurisdictione Episcopali, Apostolicis Constitutionibus, edictisque, & alijs Institutionibus Episcopali- bus publicandis, & asseruandis, & Episcoporum gestis memoriæ comendandis.

S V M M A R I V M.

Legato Pontificio, Visitatori, Nuncioque Apostolico, Metropolitana nouè in Prouincia Diocesim aduentanti, Episcopus Diocesanus, ro- cheto conlecto obuiam prodeat. De uita, & hon. Episc. nu. 12.

Oeconomus ab Episcopo deligendus, qui bona Cathedralis Ecclesiæ administret, & qualis. Que pert. ad honor. Eccl. nu. 22.

1 Prelatus exemptus, licet Episcopus sit, in aliena Diocesi, ubi Eccle- siam exemptam obtinet, absque Episcopi Diocesani consensu, Ponti- ficalia non exerceat.

Neque

- 2 Neque alteri Episcopo potestatem faciat Pontificaliter exercendi.
- 3 Conseruatores à Regularibus electi mutari nequeunt, eorumque nomina Episcopo Diocesano significanda.
- 4 Capituli, Clericè consilium Episcopus sequi minimè tenetur. Episcopus ad aliam Prouinciæ Ciuitatem, locumue accedens, ut excipiendus. De vita, & bon. Ep. nu. 62. Reliqua ad Episcopum, Episcopalemque iurisdictionem quoquomodo spectantia, in quinto, & sexto Concilijs Prouincialibus contenta, ubi uidentur. Ibid. nu. 48. 49. 50. 51. 52. & à 57. usque ad fi.
- 5 Bullæ Pontificiæ, Romæ quotannis editæ, Episcoporum cura in suis Diocesibus, quæque aliæ promulgandæ, eæque ubi asseruandæ.
- 6 Iis promulgandis, qui modus seruandus.
- 7 Promulgationis relatio, à quo, & cui fiat; ubique notanda.
- 8 Edicta etiam Episcopalia, scripta uel alia, ubi, & quomodo promulganda.
- 9 Certi dies Parochis præfigendi, quibus Pontificias sanctiones, decreta Tridentina, Prouincialia, Synodalia, & alia pronuncient.
- 10 Eaque in promulgatione quod Concionatorium, & Parochorum officium.
- 11 Diplomata Pontificia, & Principum quæ in Codicem certum referenda.
- 12 Episcoporum nomina, genus, & Pastorales actiones certo libro notande.
- 13 Viri aliquot ab Episcopo deligendi, quibus utatur in instituendis Ciuitatis, & Diocesis moribus.

5. De Episcopo Epali iuris. & foro.



NE prælatus exemptus, etiam si Episcopus sit, in alienam Diocesim, intra cuius fines Ecclesiam quomodocumque exemptam obtinet, quæ iam inde etiam ab immemorabili usque tempore iurisdictionem spiritualem habet, alium Episcopum inducat, neque ad sacrum oleum conficiendum, neque ad chrisma ministrandum, neque ad consecrandam Ecclesiam, neque ad alia pontificalia munera obedienda, exercendaue: nec verò ipse illa ipsa officia, muneraue ministrat, aut exerceat, sine Episcopi Diocesani concessu.

2 Ne item prælatus inferior, etiam exemptus in Ecclesia, locum, ubi iurisdictione spiritali utitur, Episcopo extraneo potestatem faciat ministrandi pontificalia munera.

3 Regulares, quibus ex priuilegio ius competit conseruatores eligendi, ad quos in iudicium vocentur, quos semel delegerint, ne inueniant:

tent: eorumque præterea nomina, mensis spacio, Episcopo Diocesano significent: alioquin ad Episcopale forum in ius illos vocari liceat.

4 Quibus in actionibus, aut deliberationibus Oecumenica Synodo Tridentina, aut Prouincialibus Concilijs constitutum est de Capituli Clericæ Concilio aliquid agendum esse; non propterea tamen illud sequendi necessitatem sibi impositam esse, Episcopus existimet; nisi in ijs tantum, de quibus id speciatiim, nominatumque cautum est.

5 Summorum Pontificum Bullas, quæ quotannis de quauis causa ab illis edentur, Episcopus duobus saltem post mensibus, quàm illas Romæ editas cognouerit, in sua Diocesi eas potissimum promulgandas curet, quas promulgari in ijs ipsis iustum erit, tum illas item, quas ad Ecclesiæ suæ gubernationem pertinere aliqua ratione posse iudicabit. Quarum omnium Bullarum librum confici, & in Episcopali Archiuo adseruari iubeat.

Metropolitani autem cura sit, eas omnes, cum primùm acceperit, ad singulos Prouinciæ Episcopos mittere.

6 Summorum Pontificum constitutionibus promulgandis hæc ratio seruetur, vt, si earum peruulgationi præfinitus in illis est modus, is adhibeatur; si verò nullus, ad peruulgationem satis sit affixio; quæ, vt motis est, fiat certis publicis locis.

7 Cuius affixionis, & peruulgationis relatio, testificatioque ab eo, qui affixerit, fiat Cancellario fori Episcopalis, cuius sit illam in librum referre.

8 Quod de Pontificiarum constitutionum promulgationis modo & loco, vel in hoc, vel in alijs Concilijs Prouincialibus præscriptum est; id non solum in pontificijs constitutionibus; sed etiam in edictis Episcopalibus, alijsuè scriptis, quæ promulgari contigerit, locum habeat, planeque seruetur.

Quò autem studiosius tradantur, & inculcentur, quecumque illis, vel constitutionibus vel edictis, scriptisue continentur; Episcopus, si ità expedire censuerit, illas ipsas tum constitutiones, tum edicta, vel scripta eiusmodi in Cathedrali Ecclesia saltem populo frequenti, de scripto primùm ità legi curet, vt nè verbum quidem, ne dùm pars vlla omittatur. In alijs deinde Ecclesijs, ac locis, ubi euulgandas censuerit, illæ per capita summam, vulgarique sermone, prout ille maluerit, explicentur.

9 Certos, statosque dies singulis mensibus, Calendarij instar notatos, quibus vel pontificias sanctiones, vel Tridentina decreta, vel Prouinciales, Diocesanasque constitutiones, aut pastorales litteras populo euulgari, de scriptoque pronunciarum iustum est, Episcopus Parochis præstituat, vt ordine omnia, pro temporum ratione, diligenter promulgata,

2. Tit. 1. dec. 5.

3. De ijs quæ ad Episc. for. pert.

4 De foro Episc.

gata, sæpiusque suis certis diebus repetita, accuratius in executionis
vsum inducantur, ac retineantur.

10 Cum vel sanctiones pontificias, vel decreta Conciliaria, vel li-
teras, constitutionesue Episcopales, vel aliquid eiusdem generis pro-
mulgari, aut populo enunciari, de scriptoque legi iussum est, vt vbeno-
rem fructum ferant, ac studiosius ad executionis vsum illæ introdu-
cantur; Episcopus, concionatores, qui in vrbe sunt, Parochi verò Diœ-
cesani, si quos in suæ Parochialis Ecclesiæ finibus habent, eos diligen-
ter hoc præmonere studeant, vt quod fidelibus enunciandum est, idem
illi inter concionandum cohortationibus adiuuent.

Hoc verò cohortandi munus ipsi etiam Parochi studiosè semper
præstent.

11 Liber fiat, in quo singula diplomata, siue Summorum Pontificum
siue Imperatorum, siue Regum, Principumue sint, quæ ad Ecclesiæ il-
lius priuilegia, iura, aliaue id generis quouis modo pertinent, rectè, ac
que ordinè describantur.

Qui liber in Armario, certo archiuū loco, diligenter asseruetur.

12 Episcopus, id quod vel ab initio nascentis Ecclesiæ institutum fu-
it, vt rerum Episcopali studio, curaque gestarum monumenta existeret,
conquiri diligentissimè curet; tum singulorum Episcoporum, qui præ-
cesserunt nomina, genus, & pastorales eorundem actiones. Quæ om-
nia litteris consignati, ordineque conscripta, in librum certum referri
curet, vt eorum memoria conseruetur; & quæ ab iisdem, vel acta, vel
instituta sunt, ad aliquam Ecclesiasticæ disciplinæ normam perpetuò
vsi esse possint, atque adiumento in illa Ecclesia benè gerenda.

13 Episcopus in vrbe sua viros aliquos, auctoritate præstantes, spi-
ritualis vitæ studiosos deligat, quorum adiumento, & opera vi possit, &
in ijs cognoscendis, quæ ad Ciuitatis, Diœcesisque suæ morum institu-
tionem pertinent, & in adiupandis Christianarum virtutum exercita-
tionibus, & in alijs denique quibus populi sibi commissi progressio,
fiat ad sanctè agendi studium.

3. De ijs, que
ad Episc. for.
pert.

De Archiuio Episcopali.

S Y M M A R I U M.

- 1 Archiuium, quod Episcopo, & Capitulo Cathedralis Ecclesiæ commu-
ne sit, instituendum.
- 2 Illud clauibus duabus occludendum: & à quibus illo custodienda.
Cuique